

御纂醫宗金鑑卷八

編輯外科心法要訣目錄

肩部

肩中疽

乾疽

過肩疽

膠疽

肩風毒

樂疽

臑部

臑癰
附藕包毒

魚肚發

石榴疽

肘癰

臂部

臂癰
附疽

腕癰

兌疽

穿骨疽

骨蟻疽

蝮蛇串

手部

手發背

掌心毒

虎口疽
附合谷疔

病鰕

手了發

調疽

蛇頭疔

天蛇毒

蛇眼疔

蛇背疔

蛙節疔

蛇腹疔

泥鰕痘

代指

蜣螂疔

痛瘡

狐尿刺

鵝掌風

卷之八

二

御纂醫宗金鑑卷八

編輯外科心法要訣

肩中疽圖



肩中疽生肩正中左右皆同

乾 痘 圖

乾痘生在肩前廉左右



過

肩

疽

圖

過肩疽生在肩后廉左右皆可



肩部

肩中疽 乾疽 過肩疽

肩疽癰發正肩中疽硬黑陷癰腫紅乾疽肩前過肩後風濕積熱血瘀凝

註

此疽生於肩中廉屬三焦膽二經紅活高腫一名疵癰堅

硬平塌爲肩中疽肩之前廉屬大腸經名乾疽一名疔疽

肩之後廉屬小腸經名過肩疽瘡勢無論大小惟在發源

之處命名總由濕熱風邪鬱成亦有負重瘀血凝結而成

高腫紅活焮熱速潰者順若平塌堅硬無紅無熱潰遲者

險甚則腫痛連及臂胛口禁寒戰大痛不食或兼綿潰托

瀉者逆治法初起有表證者俱宜荆防敗毒散汗之有裏證者內疏黃連湯下之汗下之後腫痛不退膿勢將成宜用托裏透膿湯膿熟開之至於引經之藥惟在臨證時因經加之潰後內外治法俱按癰疽潰瘍門

荆防敗毒散

見項部
腦疽

內疎黃連湯

見腫瘍門

托裏透膿湯

見頭部
侵腦疽

膠 疽 圖



膠疽在肩之肩胛之后外肩骨縫間左右

肩風毒圖



肩風毒生在肩稍骨縫中左右皆同

膠疽 肩風毒

膠疽肩後腋外生小腸肩貞風火凝肩風毒生臑端上大腸肩
髃風濕成

討
膠疽生於肩之後下腋之後外微上岐骨縫之間經屬小
腸堅貞穴由風火凝結而成初起如粟堅硬腫痛肩臑拘
急不能舉揚初服荊防敗毒散便燥實者服雙解貴金丸
雙解之肩風毒生於肩稍臑上骨尖處經屬大腸肩髃穴
由邪風深襲骨縫與濕稽留化熱而成初起宜腫色赤大
者如桃小者如杏痛連肩臑更兼拘急初服蠲痛無憂散
汗之卽消若腫痛日深不能盡消者膿勢將成也宜服托

裏透膿湯二證潰後內外治法俱按癰疽潰瘍門

蠲痛無憂散

番木鱉

香油燉淨

當歸

酒洗

甘草

各二兩生

麻黃

三兩

穿山甲

陳土炒

川烏

黑豆酒煮去皮尖

草烏

薑汁煮

蒼朮

米泔水浸炒

半夏

各二兩製

威靈仙

一兩

各製為末共和勻每服五七分至一錢無灰酒調服再飲

酒以醉為度蓋卧出汗避風此方加開羊花四兩亦治頭

風痛

方蠲痛無憂肩風毒風襲骨縫與濕凝番鱉歸草麻黃甲川

芎烏蒼半威靈

荆防敗毒散

見項部
腦疽

雙解貴金丸

見腫瘍門

托裏透膿湯

見頭部
浸腦疽

樂

疽



樂疽在肩前腋前之上背絡開合密陷中左右皆同

樂疽

樂疽肩前腋上生骨縫開合凹陷中堅如鵝卵痛入骨包絡血熱氣鬱成

註

此證生於肩前腋之上骨縫開合空凹陷中初起如椒子漸腫堅硬大如鵝卵按之疼痛入骨屬包絡經血熱氣鬱而成其證屆期潰破出稠膿腫消者順月餘不潰既潰出清水腫硬不退者逆初宜服神授衛生湯若惡風太過倍加葱白汗之次服托裏透膿湯潰遲者十全大補湯潰後內外治法俱按癰疽潰瘍門

神授衛生湯

見腫瘍門